



Broj: 01-04-1684/25-AP-4

Datum: 01.08.2025. godine

ZAPISNIK (IZVOD)

sa 1. vanredne sjednice Gradskog vijeća Zavidovići koja je održana, dana 01.08.2025. godine (petak) sa početkom u 17:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo je 26 vijećnika: Avdičević Amer, Avdičević Zahid, Bašić Mirela, Buljubašić Demir, Čosić Omer, Delić Elvira, Džindo Asim, Fejzić Rijad, Fojnica Admir, Hadžić Amira, Javrić Bajro, Karajbić Anes, Šehić Semir, Ajdin Polić, Amra Jupić, Sanel Jalmanović, Sinanović Asim, Sinanović Azra, Skejić Šemsudin, Šimšić Igor, Hodžić Haris – sjednici se pridružio u 17:20, Ikanović Dževad – sjednici se pridružio u 17:21, Tursić Amir – sjednici se pridružio u 17:21, Huskić Hasib – sjednici se pridružio u 17:21, Huskić Elvedin – sjednici se pridružio u 17:21, Mehić Amir – sjednici se pridružio u 17:21.

Odsutni vijećnici: Sanela Dendić, Indira Halilčević, Indira Pašić.

Ostali prisutni: Erna Merdić Smailhodžić - Gradonačelnica Grada Zavidovići, Sekretar Gradskog vijeća – Samira Pinjić, Idriz Alihodžić – Pomoćnik gradonačelnika Službe za upravu poljoprivrede, vodoprivrede i komunalnih poslova, Jasmin Šarić – v.d. direktor JKP „Radnik“ d.o.o. Zavidovići.

Zapisnik i ostale administrativno tehničke poslove obavljao Dženan Ćatić – lice na stručnom osposobljavanju u službama za upravu i posebnim službama Grada Zavidovići.

Poslove videosnimanja i livestreama vršio državni službenik Irnes Avdić - Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 61. stav (2) Poslovnika o radu Gradskog vijeća Zavidovići – novi prečišćeni tekst, predsjedavajuća predlaže sljedeći:

Dnevni red

1. Prijedlog Odluke o subvencioniranju troškova nabavke i instaliranja toplotnih pumpi – invertera za korisnike sistema daljinskog grijanja Grada Zavidovići. (**izvjestioci:** Idriz Alihodžić – Pomoćnik gradonačelnika Službe za upravu poljoprivrede, vodoprivrede i komunalnih poslova, Jasmin Šarić – v.d. direktor JKP „Radnik“ d.o.o. Zavidovići)

Predsjedavajuća daje predloženi dnevni red na glasanje.

Nakon provedenog glasanja predsjedavajuća konstatuje da je dnevni red sa 20 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

Rad po dnevnom redu

Ad.1 Prijedlog Odluke o subvencioniranju troškova nabavke i instaliranja toplotnih pumpi – invertera za korisnike sistema daljinskog grijanja Grada Zavidovići.

Prije uvodnog izlaganja i otvaranja rasprave predsjedavajuća upoznaje vijeće s Amandmanima Gradonačelnice na Prijedlog Odluke, koji glasi:

„Na osnovu člana 126. stav (1) i (2) Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 – prečišćen tekst i 1/2023), a u vezi sa članom 123. istog Poslovnika, Gradonačelnica podnosi

AMANDMANE

na Prijedlog Odluke o subvencioniranju troškova nabavke i instaliranja toplotnih pumpi – invertera za korisnike sistema daljinskog grijanja Grada Zavidovići

AMANDMAN I

U naslovu Prijedloga Odluke iza riječi invertera upisuje se zarez i dodaju riječi: „i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići, tako da puni naslov Prijedloga Odluke glasi: „Odluka o subvencioniranju troškova nabavke i instaliranja toplotnih pumpi – invertera i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići.

AMANDMAN II

U članu 1. stav (1) Prijedloga Odluke briše se na kraju rečenice tačka, upisuje zarez i dodaju se riječi: „i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići.“, tako da isti glasi:

„(1) Ovom Odlukom odobrava se subvencioniranje građanima na području Grada Zavidovići koji su na dan 30.07.2025. godine priključeni na sistem daljinskog grijanja Grada Zavidovići za troškove nabavke i instaliranja toplotnih pumpi – invertera i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići.

AMANDMAN III

U članu 4. Prijedloga Odluke prva rečenica obilježava se stavom (1), a druga rečenica izdvaja se u poseban stav i obilježava se stavom (2), tako da član 4. glasi:

„Član 4.

(Način obračuna i isplate sredstava)

(1) Sredstva za subvencije iz člana 1. ove Odluke isplatit će se do 31.10.2025. godine, a isplaćivat će se na račun JKP „Radnik“ d.o.o. Zavidovići na osnovu zahtjeva i odluke JKP „Radnik“ d.o.o. Zavidovići o priznanju prava na subvenciju.

(2) JKP „Radnik“ d.o.o. Zavidovići će nakon uplate subvancije izvršiti isplatu korisniku subvencije na osnovu odluke o priznanju prava na subvenciju iz prethodnog stava ovog člana.“

OBRAZLOŽENJE

Gradonačelnica je 29.07.2027. godine podnijela Gradskom vijeću Zavidovići Prijedlog Odluke o subvencioniranju troškova nabavke i instaliranja toplotnih pumpi – invertera za korisnike sistema daljinskog grijanja Grada Zavidovići sa prijedlogom da se zakaže vanredna sjednica Gradskog vijeća Zavidovići u skladu sa članom 57. stav (4) Poslovnika o radu

Gradskog vijeća Zavidovići („Službeni glasnik Grada Zavidovići“, broj: 7/22 – prečišćeni tekst i 1/2023).

Nakon provedene ankete od strane JKP „Radnik“ d.o.o. Zavidovići sa korisnicima daljinskog grijanja Grada Zavidovići iskazani su prijedlozi da se pored nabavke instaliranja toplotnih pumpi – invertera, omogući subvencioniranje svih drugih toplotnih pumpi i peći na pelet u zavisnosti od potrebe krajnjeg korisnika. U ovoj varijanti postoji mogućnost da se više korisnika grijanja opredijeli za zajedničku toplotnu pumpu ili peć na pelet, a što bi bilo uređeno kriterijima za dodjelu sredstava za subvencioniranje.

Navedeno rješenje smatramo ekološki prihvatljivo i opravdano, te iz istog razloga podnosim amandmane I i II.

Amandman III podnosim na sugestiju Komisije za Statut i propise i isti smatram opravdanim.

Zbog navedenog podnosim Amandmane I, II i III.“

Amandmani postaju sastavni dio Prijedloga Odluke.

Uvodno izlaganje: Idriz Alihodžić, Jasmin Šarić.

Rasprava: Igor Šimšić, Samira Pinjić, Hodžić Haris.

Predsjedavajuća daje pauzu od 5 minuta.

(pauza 5 minuta)

Nastavak rada.

Nastavak rasprave: Mirela Bašić, Haris Hodžić, Semir Šehić, Amer Avdičević, Amra Jupić, Šemsudin Skejić, Erna Merdić Smailhodžić.

Predsjedavajuća daje pauzu od 5 minuta.

(pauza 5 minuta)

Nastavak rada.

Nastavak rasprave: Igor Šimšić, Hasib Huskić, Haris Hodžić, Sanel Jalmanović, Amira Hadžić, Šemsudin Skejić, Semir Šehić, Admir Fojnica, Amer Avdičević, Zahid Avdičević.

Hasib Huskić u ime Kluba vijećnika SDA traži pauzu u trajanju od 10 minuta.

Predsjedavajuća daje pauzu u trajanju od 10 minuta.

(pauza 10 minuta)

Nastavak rada.

Demir Buljubašić u ime Kluba vijećnika NES-Zajedno traži pauzu u trajanju od 15 minuta.

(pauza 15 minuta)

Nastavak rada.

Nastavak rasprave: Amir Tursić, Haris Hodžić, Jasmin Šarić.

Predsjedavajuća zaključuje raspravu.

Zahid Avdičević u ime Kluba vijećnika GS i NiP traži pauzu u trajanju od 5 minuta.

(pauza 5 minuta)

Nastavak rada.

Predsjedavajuća daje na glasanje Prijedlog Odluke o subvencioniranju troškova nabavke i instaliranja toplotnih pumpi – invertera za korisnike sistema daljinskog grijanja Grada Zavidovići.

Nakon provedenog glasanja predsjedavajuća konstatuje da Prijedlog Odluke sa 12 glasova ZA, 6 glasova PROTIV, 8 glasova UZDRŽANO, nije dobio potrebnu većinu te isti nije usvojen.

Hasib Huskić izražava sumnju u tačnost rezultata glasanja te zahtijeva pojedinačno izjašnjavanje.

Nakon provedenog pojedinačnog glasanja predsjedavajuća konstatuje da Prijedlog Odluke sa 12 glasova ZA, 7 glasova PROTIV, 7 glasova UZDRŽANO, nije dobio potrebnu većinu te isti nije usvojen.

ZAKLJUČAK

1. Gradsko vijeće Zavidovići odbija Prijedlog Odluke o subvencioniranju troškova nabavke i instaliranja toplotnih pumpi - invertera i svih drugih vrsta pojedinačnih i kolektivnih toplotnih pumpi, pojedinačnih i kolektivnih peći na pelet za korisnike sistema daljinskog grijanja Grada Zavidovići, 02/1-04-1678/25-AP-1 od 29.07.2025. godine.

2. Zaključak stupa na snagu danom donošenja.

Predsjedavajuća konstatuje da je glasanjem iscrpljen dnevni red 1. vanredne sjednice te istu zaključuje.

Sjednica zaključena u 20:14 sati.

ZAPISNIK SAČINIO

dipl. iur. Dženan Ćatić

OVJERAVA
SEKRETAR GV- a

Samira Pinjić, dipl. pravnik

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog